

Taarufi program ot estekbal!

Rohingya



IMDi
Integrerings- og
mangfoldsdirektoratet

Taarufi program hóde ki?

Taarufi program óilde Norwér (Norwegian) hamor jibon ot oñne cámil óibar toiyarír úggwa threníng program. Norwét (Norway) fónisséde boc 18 óite 55 bosór óiyéde refúji beggún ottu taarufi program ót córik owa foribou. Forér tarík ot decót fónsése femili membor ólolla éki haálot óibou.

Taarufi program or maiddóme, oñne Norwér zuban cíki fariba ar Norwér cómaj ore buzibar giyan hásil gori fariba. Oñne threníng fáiba ar Norwér hamor jibon or babote giyan hásil gori fariba. Zodi zorurot óile, oñne elóm o hásil gori fariba. Moksót óilde kihóile oñne program kaamel gorár fore ekkam ham faiba yáto elóm faiba.

Oñnoráre coór elakat tákar bebosta ówar fore 3 mac óttu deri nogori taarufi program gware zeto soóre cómbob cúru gorónsa.

Taarufi program óilde úggwa fura thaim diya foréde program.



Oñnorár ummit ókkol

Íyan zorurot de oñnora sobók ókkol toiyari loi áiba ar program ot aséde jiníc ólore cíki loibar zimmadari loiba.

Oñnorár program advázar ar macthor é modót goribou. Ítara oñnoráre mocuwara ar hédayot dibou. Solar foñte oñnottu zehonó súwal sál foida óile, ítarálloi hóta hoon zoruri.

Thíñya-foisar modót

Oñnora taarufi program ot córik asóde thaim ot thíñya-foisa faiba. Modót íyan ore taarufi fáida (introduction benefits) hísabe loibou.

Taarufi fáida ókkol or moksót óilde program ot córik óiyóde thaim ot oñnottu honó amodir sínna no tákefan.

Zodi oñnor boc 25 bosór or nise ar oñnor maabaf or fúáñti takor, toile oñne kessú thíñya hom faiba.

Taarufi fáida ókkol uore oñnottu házana diya foribou. Oñnor pémen óttu házana re othumethík haçi rákibou.

Zodi oñne oinno thíñya-foisar modót fáí tákile, oñne fáibade thíñya homi zaigoit fare. Modót íínot fuwaindor munafa yáto dekbal-ólla-kec or munafa ókkol, yáto program or bairór amodoni gin cámil no tákibou

Coor or hókumot é taarufi fáidar thíñya ókkol di zaibou. Zodi oñne golót maalumat ókkol di tákile, coor or hókumot é taarufi fáida ókkol fráidibólla daabi gorit fare.



Cútki, gair hazir ar gair hazir ír ejazot

Oñne ek bosór ot fañs háfta cútki faiba. Oñne biaram, hámil ba fuwa biya, yáto zodi, oinno ahám wojá ókkol ór harone córik ói no faríle, cútki hísabe doribou. Íyan ore añára “gair hazir ír ejazot” hísabe doriyoum. Oñne gair hazir ír ejazot faibólla oñnor program edvaizar ore hámaha arós gora f oribou.

Zodi program edvaizar é oñnor gair hazir ore mani no loile, oñnor taarufi fáida ókkol ore haçi loibou, ar program ot oñnottu thaim homi zaiboi.

Zodi oñne program ót córik owa bátdile, forér tarík ot oñnóttu córik oibar hók no tákibou. Oñnor taarufi fáida ókkol o oñne áraifeliba.

Taarufi program ót ki cís ókkol asé?

Taarufi program ót kessú cís ase ziín córik óiya beggún ólla aám, kintu oinno hodín cís ase ziín oñnolla toiyar gora gíye.

- Córik óiya beggún óttu Norwér zuban cíka fore. Oñnor macthor é oñnor Norwér zuban ot threníng moksót ore thík goribou. Norwér zuban or moksót gan oñnor agor eskul ot forár uore darmodar gore.
- Córik óiya beggún óttu Norwér cómaj or babote o elom hásel gorá foribou. Threníng ibar erada óilde oñne cómaj ót asán or sáte cámil óifara.
- Córik óiya beggún óttu koóus“Livsmestring i et nytt land”(Noiya decót jibon or mahér owa) át córik onsa. Koóus ibar erada óilde oñnore Norwét uttom ektiyar ókkol basi luwa ar oñnor nizer haalot ot taasir ówat asán gora. Zorurot fóille modót kibáfe hásil goriba iyan o zani fariba.



Zodi oñnottu fuwa ase ba fuwa biyaibade óile, maabaf bonar hédayot o faiba. Hédayot íyan óttu, Norwér maabaf or suurot hóndhílla óibou ar oñne ar oñnor fuwálla ki sárvis ókkol asé íyan zani fariba.

Oñne ar oñnor moksót ókkol loi haás goijja cíz ókkol o taarufi program ot cámil tákibou. Éçe hamor jibon ba elom ot hórós sára córik owa tákit fare. Taarufi program ot híssa loibíccot boot zone hamor jibon ar elom hasil ot córik ói take.

Taarufi program or cíz ar íyan or múddot or plan ekkán oñne ar oñnor program edvaizar miliyóre ek sáte gorit fariba.



Keriyár hédayot

Oñne taarufi program cúrugoribar age, keriyár hédayot hásel goriba. Íyan óilde aindát ónnor elom ar ham or cózuk ókkol or baboter hédayot.

Keriyár hédayot gan óilde oñnor wotón óttu hásel goijjóde ham or tojúrba ar elom babot maalumát or uore darmodar gore. Oñne keriyár hédayot faibar age iín ore jasai gorit fare.



Taarufi program ólla ahéri moksót

Oñne keriyár hédayot faár fore, oñne ar oñnor program edvaizar é taarufi program koóus óttu ki hásel goraforibou íyan fáisela gorit faro. Íyan óitfare uoror taalim ólla nam gólar moksót ba ham tuwaifaibar moksót. Íyan aró óitfare taalim hásel gorát fura ba kessú híssa kaamel gorár moksót. Íyan ore ahéri moksót“end goal”hoibou.

Taarufi program ólla ahéri moksót ore oñnor wotón óttu hásel goijjóde ham or tojurba ar taalim, ar ham or babot aindá oñnor tomonnar uore darmodargori fáisela gore.

Taarufi program or muddot hóddur?




Taarufi program or muddot ore oñnor ahéri moksót é fáisela goribou.

Zodi oñne wotón óttu uoror midhél eskul fori áile, ar ahéri moksót gan uoror taalim yáto ekkán ham tuwaifa óile, taarufi program ore káamelgoribólla só mac foijjonto thaim lagít fare.

Zodi ahéri moksót gan uoror midhél eskul furagoribólla óile, taarufi program káamel góitte tin bosór foijjonto thaim lagít fare.

Zodi ahéri moksót gan ekkán ham tuwaifa óile, taarufi program káamel góitte dui bosór foijjonto thaim lagít fare.

Kessú haalot ókkol ot, program or muddot ore baroón cómbob.

AHÉRI MOKSÓT	PROGRAM OR MUDDOT
Uoror midhél eskul káamelgora	Tin bosór foijjonto 
Ham, yáto uoror taalim ólla kabiliyoti	Só mac foijjonto 
Ham yáto praimári ar niser midhél eskul taalim yáto uoror midhél eskul taalim ar threníng or híssa ókkol káamelgora	Dui bosór foijjonto 

Taarufi program ot oñnorár kaamiyabílla duwa gorír!



Utgitt av Integrerings- og mangfoldsdirektoratet (IMDi) – 2021.

www.imdi.no